

安岳縣志

道光丙申鐫

廣西縣志

本衙藏板

重修安岳縣志敘

安岳志何爲而作也憶余下車之初
讀鶴坪太守志唐哉皇哉體制非不
光華也後於聽訟之下得仙山孝廉
志典矣要矣敘次非不質直也心儀
者久之用是數年來有所見聞輒隨

安岳縣志

序

一

手抄錄存之以待補遺甲午春山長
周孝廉吉卿及纂修諸君適以修志
請余旣樂其先得我心而又不能日
事鉛槧如經生家也乃出所藏書付
山長及纂修諸君俾之逐冊繙閱期
於有典皆確得人必眞而後已且期

於有典必搜有人必獲而後已繼又
得靜山先生稿本正校閱閒而撫夷
之檄適下又不欲畱茲殘缺以累後
來也因攜往峩邊兵燹方靖一切善
後事宜諸形旁午修理城郭繕制營
房稍暇卽率爾操觚越數月始成而

規模漸覺美備可以見天時有生焉
可以見地理有宜焉可以見人官有
能焉可以見物曲有利焉可以見
聖天子之聲教焉可以見賢大夫之經

綸焉固未敢以無徵不信者點竄成
書也所慮者古人之事雖增入封建

理學祥異武事等類尙懼書缺有閒
今人之事雖增入節孝忠節孝友人
物等篇尤懼耳目未周是則願以俟
諸君孳者也顧或者謂南氏簡董狐
筆例皆謹嚴斯獨倣善善從長之意
似鄰於寬不知此志也非史也康對

山武功志有議其僭者矣有議其畧
者矣誠以嚴則三代下無全材寬猶
可以與人爲善也竊願讀是書者父
詔其子兄勉其弟烝烝然風氣日趨
於上將必有大書特書且不勝書者
斯則余作志之苦心也夫由此觀之

成事在人余七載岳陽愧無德政及
於烝民乃年餘之間考棚成節孝總
坊成今志書亦幸告成區區之心其
可以差堪慰藉者微岳陽人士之力
不及此余知勉夫

賜進士出身知安岳縣事署峩邊撫

夷府琅圃氏濮瑗撰

安岳縣志序

邑侯濮明府莅任之七年凡表彰節孝建
修考棚諸善政次第蒞事而邑紳復以志
請 侯曰夙志也遂以纂修託頤暨同事
諸君辭不獲命共襄厥志期年將竣 侯
以廉能撫夷用攜往署於撫綏經營之餘
筆削盡善郵致頤等書於是告成夫吾邑

安岳縣志

序

一

之議修志者數矣昔先大父雲居公倡修
後紫峯鄒君東園王君協修俱未果茲何
幸遇 賢侯而百廢竝舉哉頤因就其目
而論列之圖成經書爲緯一經一緯文章
乃見故首列輿圖山應井絡是爲蜀星敬
授人時平秩西成觀文訾變保艾普城作
天文志沿革旣殊廣袤斯異鞏固山河於

今稱備作建置疆域城池志人敦禮讓俗
尚詩書君子至止宏我良謨作風俗公署
志維壇事神維學妥聖降福降祥砥礪德
行作壇廟學校志岳山挺秀岳水效靈岳
人往矣岳蹟長馨作古蹟山川志君子平
其政曰水利不可不濬也輿梁不可不成
也日中之市不可不聚也作隄堰津梁場

鎮志倬彼浮圖高插於天亦庶乎可以警
化愚頑作寺觀志維三代尚矣取法封建
爰及於唐分逮郡縣官師曰表名宦曰傳
守土諸君用獎用勸作封建官師名宦志
冠帶之士竝稱西睂高風邈矣抗懷希夷
淵源理學獨闢宋時或以隱遯或以義舉
或以鄉榮或以恩敍或則伏闕或則請纓

或拒安石或忤蔡京爲晦翁黨爲鶴山儔
爲靈濟伯爲忠烈侯大武揚矣寓賢遠矣
宏維我普厥志光矣惟彼二氏存不論矣
作選舉人物迄仙佛志列女諸傳昉自漢
書才全德備亶在斯乎作節孝貞烈才女
志浪仙允南諸君子何在也於戲抔土不
亡作邱墓志兵資於民民資於食足食足

兵禮義秩秩作田賦營制志天有祥異而
地之豐歉見矣地有土產而天之雨露均
矣作土產祥異志文者志之緒餘逸事者
文之芻見作外紀志凡爲目三十有八而
義例必嚴是非必公攷古必詳徵今必實
勸懲於斯大備夫迄數十年汗青未就薦
紳難言竹簡丹書昭茲文獻維普有材

侯實成之用告岳人尙慎勉旃道光乙未
嘉平月庚午經魁 國史館議敘知縣加
二級紀錄四次邑人周國頤撰

安岳縣志

序

四

安岳縣志

修輯姓氏

鑒定

日講起居注官翰林院侍講王炳瀛甲戌邑人進士

總裁

署嘉定府峩邊廳通判知安岳縣事濮瑗丙戌溧水人進士

總纂

國史館議敘知縣加二級紀錄四次周國頤庚午邑人經魁

編纂

安岳縣志

姓氏

一

潼川府乙酉拔貢候選教諭鄒紹京邑人

處

士周祚鎬邑人

參閱

安岳縣儒學訓導胡述敬歲縣人貢名山

候選訓導主講龍泉書院鄒長燦歲人貢生邑

校纂

增廣生員魏在儒邑人

附學生員曾廣程邑人

分纂

原任廣東饒平縣知縣鄒紹觀邑乙丑進士

原任陝西洵陽知縣改授縣竹訓導周元位邑己巳進士

增 貢 生王炳棠邑人

辛卯科舉人揀選知縣馮靖文邑人

甲午科舉人揀選知縣蕭正鼎邑人

廩 膳 生 員康樂邑人

廩 膳 生 員鄒紹芳邑人

增 廣 生 員陳運亨邑人

議修

安岳縣志

姓氏

二

廩 貢 生 候 選 訓 導王致鸞邑人

採訪

增 廣 生 員夏維謙邑人

經理局務

增 廣 生 員汪甘埜邑人

監

生羅德昭邑人

附 學 生 員蔣含章邑人

附 學 生 員曾傳喚邑人

附 學 生 員周鍾申邑人

監

生王紹虞
邑人

繪圖

附

學

生

員鄒紹鸞
邑人

安岳縣志

姓氏

三

安岳縣志

明校纂舊志姓氏

于尙禮

楊寅

劉仁

石山

明採輯姓氏

雲莊楊氏魁

正軒李氏蒙吉

相軒戴氏章甫

卓菴郭氏仰

玉屏王氏啟敬

仁齋張氏一元

懷鍾程氏世美

前川李氏川瑞

安岳縣志

原修姓氏

一

縉雲黃氏思烈

琴岡于氏三謨

少坪嚴氏斗

月亭楊氏一桂

吉軒但氏崇德

中軒蔡氏可學

憶鍾程氏世夔

鳳岳范氏月第

訂吾張氏西銘

見崑丁氏玉蓬

時偕竇氏可進

和宇黃氏承中

唐軒黃氏思堯

用我李氏有成

光宇李氏之桂

儉菴黃氏思禹

直垣陶氏似侃

李氏月桂

明校纂姓氏

六菴康氏 紹祖

德宇徐氏 慎

升寰陶氏 允

貞吾黃氏 承曾

明編裁姓氏

鶴菴侯氏 九皋

桂台陸氏 貞吉

太完李氏 奇英

明督刊姓氏

懷珍張氏 書紳

雲山譚氏 善繼

康熙修志姓氏

安岳縣志

原修姓氏

一一

仁和鄭氏 吉士

桐城姚氏 孔鏞

貴池程氏 璩

武清黃氏 振國

三韓馬氏 世藻

文居周氏 于仁

郎州鄭氏 珙

秋浦曹氏 珏

桐山姚氏 孔鑛

西泠徐氏 宏緒

貴池陳氏 之忭

鄭氏 佳

乾隆修志姓氏

長洲張氏 松孫

鳳翔雷氏 懋德

南昌朱氏 紉蘭

安岳縣志目錄

卷首

凡例

原序

輿圖

卷一

天文上

卷二

天文下

安岳縣志

目錄

一

建置

疆域 形勢附

城池

風俗

卷三

公署

學校上

卷四

學校下

卷五

壇廟

禮儀附

卷六

古蹟

金石附

山川

隄堰

卷七

津梁

場鎮附

寺觀

安岳縣志

目錄

卷八

封建

官師表

名宦

卷九

選舉

卷十

人物

鄉賢

卷十一

理學

忠節

孝友

武事上

卷十二

武事下

隱逸

行誼

安岳縣志

目錄

三

封蔭

流寓

仙佛

卷十三

節孝

卷十四

貞烈

才女

邱墓

貢賦 戶口倉儲雜課附

營制 民壯鋪兵附

卷十五

土產

祥異

卷十六

外紀

安岳縣志

目錄

四

安岳縣志

凡例

一宋史楊泰之有普慈志早亡明萬曆間邑令李奇英
勅修邑志康熙中邑令鄭吉士邑孝廉周于仁因其
本而增修之乾隆時郡守張松孫重輯茲更詳加考
訂一以史傳爲憑或有散見他書足以證史傳之失
者並爲採錄如陳希夷等類是也其中或引或按或
駁正於康熙志曰前志於乾隆志曰舊志以別之
一前明及康熙時纂修姓氏張郡伯志俱爲削去今錄

安岳縣志

卷首

凡例

一

於首席不沒人之長

一舊志立土地人民政事三大綱本明唐樞湖州府志
然列星野於三大綱外附風俗時序於土地載雜記
於政事於雜記中參入學校鹽井戶口等類體例未
能精當今除之

一舊志向無封建鄉賢理學武事行誼封蔭流寓貞烈
才女今悉爲增添又祥異向入雜記茲特立專門
一舊志不列藝文附於本事本門後本范成大吳郡志
例今仍之其有藝文不關邑事者概不錄入或有邑

中名人著作鮮見雖不關邑事亦偶錄一二倣升菴
用程篁墩新安文獻志例也

一前舊兩志頗多遺漏茲於建置中詳攷歷代地理書
於封建中得普王謨普王儼永康公主於官師表中
詳考歷代官制復於隋得王繕於唐得長孫洪馮彭
韋君靖韋元貞李頊李常光王宗侃於後唐得孫欽
於僞蜀得趙進何光遠王著張增於宋得劉楚信趙
嗣業王平家炎劉沂張已之於名宦中如程知節張
大安劉齊賢賈島安崇阮康延澤彭乘文同張爽宋

安岳縣志

卷首

凡例

二

太初孟元陳咸楊泰之何叔丁楊仁舉張方張興祖
於人物理學忠節孝友行誼中如陳搏姚渙景泰劉
儀鳳趙開馮澥景思忠馮山杜孝嚴張山翁景思立
景思誼湯紹恩張任學李遇中白炎震馮憲馮坦楊
春陳文佐於流寓中如李洞郭奕彭敬先鄧氏楊氏
兩志皆不載其傳且又先後錯謬並人而亡者他如
武事土產外紀博採羣書悉屬新增山川古蹟選舉
津梁邱墓詳加考正難以臚列觀者自知
一天文諸志皆寥寥數語似不足資考證茲特博稽載

籍推驗氣候覺與安岳時令相宜用分上下兩篇俾觀文察變者有所取象非徒侈談天官書也

一留養所養濟院棲流所悉倣通志附入公署後以見仁政之下逮孤窮云

一聖廟配享諸賢天下皆同原不當詳於縣志然存以備學人之稽考亦不爲無補至祀典儀注概從簡略欲求其詳則有通志典禮在

一縣志必列八景景必有圖從來陋習舊志向亦不免茲爲芟除但附錄於古蹟中惟疆域城池諸圖則繪

安岳縣志

卷首

凡例

三

之

一署印職官其循良可紀則列入政績其修建頗多則表於官師餘無可表見者舊志不載今仍之

一前志於職官題名及選舉中或注其人事蹟行誼一二不復更爲立傳乾隆時傅爾泰延平府志亦用此例茲從之

一列女中惟節孝所收較廣善善從長亦堪風勵末俗然不符年例者概不登載其矢志柏舟初終不渝允協輿論者用加搜採以闡幽潛白髮青春庶不致干

古同慨冠以旌表而諸志所載者次焉

一諸志雜記每多瑣碎茲志所載皆重大徵實之事考據詳明故曰外紀其中惟希夷遺事祇載百一從呂成公文鑑例也

一是書所引悉注原書篇目以備尋省且以明有徵也舊志以後事跡就輿論所推撮舉崖略無敢濫登凡其人未故者概不採錄

一邑志太史譚靜山曾有稿本考證頗多茲擇其可據者採錄之其間因革損益旁搜博採則孝廉周吉卿

安岳縣志

卷首

凡例

四

國頤之力爲多而周君仲子祚鎬參互考訂其功尤勤鎬年甫弱冠性穎悟博覽經籍惜以足疾廢予不忍沒其長故特爲標出之此外則明經鄒燕山紹京明府鄒海瀾紹觀諸君子或精天文或習掌故均與有力焉

一此志搜羅較舊志及諸稿本頗加詳密然行篋中藏書無多不敢謂遂無遺漏也修飾潤色姑以俟博雅之君子

舊志序

安岳志之未續修者已七十餘年是時與樂至雖分兩縣仍係一官兼攝邑令鄭吉士首事編纂刊未竣告休去得邑孝廉周于仁終成之而文獻賴以存焉予春秋按部察吏觀風往來邑境每喜普慈山水秀媚洵稱神皋奧區僊躅賢蹤獨多棲遯如賈島以瘦詩名亭彭乘以翰林名洞工部書樓不朽希夷池水猶清旣已分繪專圖列諸八景而木門國清各古刹信宿經過令人心境清寂不少文士吟題均足光斯志乘若鉅而鬚眉忠

安岳縣志

卷首

舊志序

一

孝之士細而香奩閨閣之英貢賦爲惟正之供學校爲明倫之地凡有關於表揚風化教養羣黎者莫不蒐羅詳盡悉歸記載蓋郡邑之志所以備外史也列國之語可以傳經十五國之風可以觀世皆取其人與事之表表者豈僅如記里之鼓登數之書足資一方之考鏡已哉予固非良史才是志之成未敢媲美於李文子之譔蜀鑑張唐英之編檣杙其亦可以續舊志而信今傳後乎旣脫稿乃與邑令朱君商確訂定而授諸梓時乾隆五十一年歲在柔兆敦牂之林鍾月朝議大夫知四川

潼川府事長洲張松孫勵堂氏撰

舊志序

予於辛丑散館改授安岳驟膺民社未敢謂學優而仕心常惴惴幸繼前令徐袖東司馬後凡諸措施興舉政悉宜民得矜式而率由之免於隕越袖東臨去告予曰任此數載他事無未了獨邑志舊本所載已閱七十餘年及今不修必致終於湮沒君其留意焉予識之不敢忘乃簿書鹿鹿又時奉檄調權他篆奔走少寧息有志而迄未逮也丙午夏郡伯鶴坪公出示新刻郡志及三

安岳縣志

卷首

舊志序

二

臺射洪蓬溪三縣之書受而讀之體裁不同他志立說皆有原本發凡起例生面獨開綱舉目張義類精確洵爲藝林所共重非特紀風土詳賦役而已以一郡之大政事之繁他人當此尙不知其如何竭蹶公竟優優暇裕克廣搜博采設局纂輯卽郡志已列十二卷之富況續成各邑之志乎詢及安岳志公欣然曰三十餘門稿甫脫待君來共相訂定且曰普慈山水獨愛其秀媚名勝古蹟亦多於他邑是以詩歌圖說表章按核於此志獨詳不憚嘔心畢智而爲之予謂志備外史爲職方所

不遺徵獻考文信今傳後皆惟志乎賴予受稿往復捧
誦惟拜手欣賞以爲莫贊一辭旣幸得附名簡端藉以
無負袖東之屬又幸此邦文獻信而可徵流傳久遠足
備一邑之外史也是爲序乾隆五十一年歲次丙午六
月翰林改授知安岳縣事秋漪朱紉蘭撰

前志序

天下有志一國有志而一邑復有志豈徒揆藻摛華爲
粉飾太平之故事哉良以一隅雖小皆爲職方所不遺
而專筆從詳足補全書所過略徵獻考文信今傳後皆

安岳縣志

卷首

前志序

三

於是乎在樂安兩縣古爲普州隸蜀北陲控接東西爲
劍南奧區其可使邑乘不具無以鑒往而程來然前之
良牧未聞經理及此者以兩城一宰往來分治佐理竝
無屬員兼司且有學務凋敝之餘撫循是急殘缺之事
創始爲難日汲汲焉救弊補偏之不遑又何暇披逸事
訪舊聞走毛錐而勤纂輯哉歲辛卯余由三衢教授量
移茲宰莅任之日縣志無稽不勝黯然神傷爲此地歎
荒涼又不勝勃然念切欲爲此地足文獻也然欲遽行
輯治則仍萬萬不可蓋土滿則招徠難緩野荒則勸墾

宜先然新民莫辨頑良招徠卽易滋弊豪強或多侵佔
勸墾適以生奸况水火待拯瘡痍未復官派雖無一擾
私竇卻有千端余力行釐剔與民更始區分界判馬跡
將遍田間晝斷宵批心血幾枯案上育秀良於新塾竄
強梗於遠鄉措置敢憚勤勞荏苒因稽歲月六載於茲
日無寧晷今幸治具初張百廢漸振訟稀盜息年豐歲
稔教化稍行余不禁躍然曰邑志之修時可舉矣是時
安邑孝廉文居周君余延爲義師亦已四載學博品高
素所敬服因以纂修之事託之余於理政之暇亦時加

安岳縣志

卷首

前志序

四

核正工始是年應鐘哉明是書之成約計尙須三年以
一匠獨刊不無時日之需予愧遲暮迂儒謬膺百里之
寄偷閒拙筆敢希一字之裒第以殘疆一綫之文獻苟
不自今日傳將見谿號山名漸泯沒而難考鴻文仙跡
且淪落以無徵後之君子畱心舊章有太息痛恨於考
稽之莫據者是則余所大愆也是爲序康熙五十五年
知樂安兩縣事仁和鄭吉士譔

前志序

余承乏合州赴省必由安岳往來頻頻習見其風俗淳

厚人民質樸雖巖谷深峻而土田皆備男耕女織時聞書聲過其市貿遷公平不事欺詐私心愛羨者久之戊戌鎖印後奉檄署其地己亥仲春至安岳接篆事晤前令西谿鄭公深以在任八年獨邑志未竣事爲悒悒余心領之隨以舉行義學晤孝廉仙山周君於城南書舍得披所刊志帙因得悉風俗之美土產之饒疆宇之闊科甲之多人物之盛忠孝節烈之光昭藝文詞采之雋麗乃益歎殘疆之文獻可徵者其盛如此宜鄭公歛歔悼惜於邑志之未竣也余踵其事督令修輯卽欲附一

安岳縣志

卷首

前志序

五

言於後以官政叢冗未暇也繼而有蓉城梓州之行回署席未煖而委署中江之檄又至矣嗚呼余以迂拙書生膺七郡民社之重寄上下閒關千餘里卽乾乾惕若勵精不懈猶慮統攝或疎撫綏未至無以適民情而光報稱又何暇濡墨揮毫沈思綴巧從容於文字閒思以飾吏治而重簡編哉雖然盛事不常而邑志之成匪易鄭公旣開其先余亦樂踵其後而默默無一言以辱簡端殊非鄭公所厚望於余之意亦非余繼鄭公以俟後之君子之意也因乘閒走筆略述梗概凡以成前美而

待將來也云爾而言之不文豈所諱也哉康熙己亥署
安岳知合州事桐城姚孔鏞撰

明志序

安岳乃梓州之巖邑也往歲己丑余以衡文入蜀辛卯
春校士梓州則安岳之人文既品而閱之矣又以有事
川東取次征行則安岳之山川亦既覽而觀之矣然尸
祝不越俎而談其於疆域戶口徵賦夫里裒益之詳宦
籍選舉民風節行之概尙未之及也後十有七年丁未
余復叨冒嘉陵梓州乃在轄中越歲戊申奉兩臺檄磨

安岳縣志

卷首

明志序

六

勘庾藏諸公事躬抵安岳乃獲盡觀戶口徵賦夫里諸
件其利害裒益之故損益之宜可得縷指而具陳之事
竣諸生康紹祖等攜一冊送覽蓋安岳縣志也前此雖
具其概而草創未備李令君條列其利弊而整飭之詎
惟綱舉目張實乃政通民洽釐然成一邑大觀矣爲之
閱疆域則延袤周迴何啻五百餘里抑何廣也爲之閱
戶口宋末屢遭兵火民無孑遺延祐以還僅流寓者七
十餘家迄於至正亦止編戶八百自我朝平定安集之
後稍有寧居休養生息生齒日繁今且戶二千四百有

奇口七萬三千有奇林林總總比屋可封是夫子之所
嘆於適衛者也爲之閱田糧國初一千一百四十九頃
有奇今丈二千九百四十三頃有奇昔也荒蕪今也地
不改辟無遺利矣爲之閱徵賦則存畱有紀起運有紀
徭編力差有紀夫馬兵役有紀所以取之於民者有定
數無煩徵亦且樂輸而鮮逋負之誅矣爲之閱宦籍則
善敗可徵卓魯時有勸戒備矣爲之閱選舉則人文赫
奕以父子兄弟竝捷文場者不乏也菁莪樂育於是爲
盛矣爲之閱節行忠義孝行昭映簡編而以節烈著者

安岳縣志

卷首

明志序

七

又復聯芳閨閣是觀風採俗者之所喜聞而樂道也關
雎麟趾自昔重之觀止矣其他如方伎之流詞章之末
吾不欲觀之矣嗟嗟陳說往牒以示將來紀載者之事
也興除利弊以垂永賴司牧者之職也余觀邑城垣僅
僅三百八十餘丈所謂三里之城非耶而二堡環互於
西南五街周圍於四護至於鄉場市鎮何啻碁布星羅
撫后虐讐間不容髮爲司牧者誠能保如赤子而置之
衽席之間有不喁喁傾心嚮化者非夫也令君雅抱不
羣畱心民瘼諸所建白如清浮糧減賠課條採木之宏

議申造士之新規種種良因具可稱述昔太史傳循良而要之奉法循理有味乎其言之也如令君眞其人哉語云言之無文行之不遠非夫敲金戛玉刻羽流商燁然而有文采之謂也謂夫言而無徵何裨實用索充腸於畫餅求識途於矇師非其質矣令君言以足志志以成文徵往俟來於是乎在時萬曆戊申夏五前督學使者彰郡方萬山譔

明志序

安岳志凡再易稿經今七十載繁蕪失當識者慨焉萬

安岳縣志

卷首

明志序

八

歷丁未會李大夫以邃學宏才來令吾邑拮据溝瘠興振人文甫二歲餘風還士美覽秀江山馳情往喆得所爲杰士名卿後先相望者二百有奇懼其名湮沒也於暇大搜載籍咨訪故老參以近事幣徵庠中嫻文辭者主其事再閱月而志成乃命吉言付之簡末余竊惟古者列國各有史以記事漢興司馬氏鳴於西班固鳴於東俱能不穢不俚成一家言昭示不窮卯金之不泯由此而二氏亦緣以作史家祭酒都哉今之邑志蓋其遺意云當今綰綬者惟錢穀刑政是急若此紀載往往髦

弁而孰知黔首財泉之所關也師帥文獻之所總也世道升降風俗汙隆之所衡也司社者若何念不經涉耶我大夫恢宏治理加意邑乘今讀其中歲爲增者其戶口迭爲出者其人才精忠偉伐種種可標者爲名宦爲鄉賢而孝義貞烈更足著乾坤昭日月直令披帙者神爲聳心爲慕省躬惕志懋所當務其裨益不旣多乎昔呂東萊作大事記獨以邑志爲子丑蓋謂其事典墨眞無畱魯豕也岳之紀載固繁人文爲重夫以彈丸小邑由宋迄今或父子竝美伯仲相妍祖孫輝映史冊者若

安岳縣志

卷首

明志序

九

鱗貝然而數百禩宇宙緣以棟梁山川草木緣以噴采英俊生百世之下尙能激烈倣倣立臻盛美邑不因之生色哉語云里名勝母曾子不入邑號朝歌墨子迴車輿地所係重輕固在此不在彼吾黨吸春風荷陶鑄者其同爲磨淬爲猛進務使上媚天子下媚庶人百世而後僉曰某岳產也某某李大夫之所造就而激發者也庶此志永爲信書而汗青可以無玷若大夫之筮仕好修愛民好士政在口碑未易殫述有成時獻最帝庭計必有握金管大書特書垂不朽者余鉛槧流烏足揚萬

一敢附野史之義用詔來者時萬曆三十六年八月旣
聖知貴州鎮寧州事邑人正軒李蒙吉譔

明志序

蜀總志筆自撫臺東阜劉公升菴方洲二太史與裁核
焉岳志則學博楊君編之今且七袞於此事歇簡荒理
勢應爾李君以滇西名傑委裘岳土視政三載日省惟
勤春嘘物茁土斑采多文章民樸而善廟祀之載典禮
者無不振舉憲令班制之屬皆已整頓天喬嚙喙之育
百里者無不鬯若公餘搜討乃慨然曰岳邀皇靈少治

安岳縣志

卷首

明志序

十

安邑史尙多缺略胡以鑒往程來用是親授指於皋曰
某某其置逸也某某其增入也某某其鉅綱也某某其
瑣略也且幣徵門生康紹祖徐慎陶允黃承曾肩其事
皋以散材辭不獲偕四生博採而精拮之考據者錄關
鍵者錄一切論斷筆削請裁李君已意毫無與焉越三
月就草文宗方以棠蔭至閱而喜曰盛乎是舉固宜世
世璧也余如岳境土治禾稠望其閭烟火如篋視其學
宮衣帶儀度有蘇湖風眼底境界邑中造化已不盡收
矣更復有奇觀耶躬繩削訂訛豕兼操墨顏之首李君

持付梓人不以皋無能命以貂續夫皋何以料天尺哉
幸辱鑄冶日有開益爲律度爲準繩李君胸次自具一
圖史早揭一典程若此紀之天樞地軸人物興衰政令
繁簡得失種種具足乃其實際抒爲外際自足以踵前
哲示來許光汗牘而耀無窮者言其贅龐哉人世不朽
之業惟德惟言而德非言不利遠志以是舍非以勸寓
懲一披閱而忠良者激氣悖德者汗顏後之師帥此土
者以君之遺編倣君之建置其欲更爲軼軌也不能欲
爲摹稜也不能欲不努力以羞直筆也不能此一志也

安岳縣志

卷首

明志序

十一

其作範岳人者不域而造福岳土者能計量耶皋職守
籍府無能揚確鴻烈乃炙美盛開蒙翳若睹且喜附青
雲駿聲施也勉爲之說萬曆三十六年秋孟安岳縣教
諭南充侯九皋撰

明志序

志何容易哉志信物也信於獨可豎揭於昭昭信於同
可垂鑒於永永宣父以闕文不病於無徵而病徵之不
足以示信知志何容易哉予賦椎魯而寡緣飾常抱所
自信者以獵進取乃輒進而輒蹶稍緣飾其所自信者

又屢進而屢蹶夫飾而進與不飾而進其不信於主者等蹶耳造物弄人於飾奚當焉益闇然埋首不敢裂生平爲媒餌已而家困上春官得綰符百里未幾補知今岳途說者咸謂蜀固仕國亦爲仕難狙詐橫亂風始自北矧今岳哉以子椎魯之身當之則百不勝以子三進三蹶之身當之又千萬不勝彼其言若真可信哉及其入其疆則葱蘢烟甸矣接其人則渾樸太初矣視其學則彬彬階序矣行其政則喁喁新聽矣予異之夫人情豈相遠哉何用耳用目者之相什伯也用是不敢以人言

安岳縣志

卷首

明志序

十二

爲信益矢毖其生平椎魯之心以昭信於民毫杪緣飾弗敢作焉以故信於堂廉則塵案清城社塞信於閭里則逋征辦刑訟省信於揆文則雅化飭競噪恬信於守法則積習祛風俗易蓋予豈異人任哉予以椎魯之心似與仕之緣飾者別而今日信我椎魯之民又似與昔信緣飾之民別誰謂民真狙詐橫亂而不可以一自信之治治之也予政今已兩易裘葛媿乏寸長以俾又於岳然區區椎魯之心信於民猶不忍忘於民諸所不便悉調之行弗如願則俟之偶暇與諸生操觚博士家業

中咸以邑廢志請予愬然曰志何容易哉予自信其生平
平椎魯之心信於民安能信於後之民况岳循紀榮籍
必有彪炳燿爍回甦岳土者在安知其取信於民者非
我若乎書有云當於民監以監在民則己信監在今之
民則後信以心信心千古符契無庸書矣竟辭弗獲爰
舉廢志所載調其利弊而葺飭之使知予椎魯之心可
以信於民後人之心可以信於我毋令途說之夫持狙
詐橫亂之說爲衣冠文物之邦一疵垢也此筆書意也
若曰是志成於多士之博采訂於先達之定論予得

安岳縣志

卷首

明志序

十三

仰藉而踵成之眞邑中之信書乎當自有洞民之隻眼
在噫志何容易哉時萬曆戊申秋孟知縣事滇西李奇
英撰




安岳縣志

卷首

輿圖

城邊署廨
名勝蹟圖



安岳縣志

卷首

輿圖





安岳縣志

卷首

輿圖

三



安岳縣志

卷首

輿圖

四

